

四庫全書

史部

欽定四庫全書

湖廣通志卷八十七

藝文志

五言律詩

唐

度荆門望楚

陳子昂

遙遙去巫峽望望下章臺巴國山川盡荆門烟霧開城  
分蒼野外樹斷白雲隈今日行歌客誰知入楚來

冠蓋里

杜審言

旅客三秋至層城四望開楚山橫地出漢水接天回冠  
蓋非新里章華即舊臺習池風景異歸路滿塵埃

襄城即事

崔湜

子牟懷魏闕元凱滯襄城冠蓋仍為里池臺尚識名山  
光晴後綠江色晚來清借問東流水何時到玉京

晚泊湘江

宋之問

五嶺悽惶客三湘顛顛顏況逢秋雨霽表裏見衡山路

逐江南轉心依雁北還  
唯餘望鄉淚更染竹成斑

江亭晚望

宋之問

浩渺浸雲根烟嵐出遠村  
鳥歸沙有跡帆過浪無聲  
望水知柔性看山欲斷魂  
縱情猶未已迴馬欲黃昏

餞荊州崔司馬

蘇頲

茂社雕龍昔香名展驥初  
水連南海漲星拱北辰居  
稍發仙人履將題別駕輿  
明年徵拜入荆玉不藏諸

四月一日赴荊州

張說

春色沅湘盡三年客始回夏雲隨北汎同日過江來水  
漫荆門出山平郢路開比肩羊叔子千載豈無才

岳州山城

張說

山城豐日暇閉戶見天心東曠迎朝色西樓引夕陰書  
觀千載近學靜二毛深忽聽南風至吹君堂上琴

岳州晚景

張說

晚景寒鴉集秋聲海雁歸水光浮日出霞彩映虹飛洲  
白蘆花吐園红柿葉稀長沙卑濕地九月未成衣

岳州守歲

張說

除夜清樽滿寒庭燎火多  
舞衣連臂拂醉坐合聲歌至  
樂都忘我冥心自委和今年只如此來歲更如何

初入湘有喜

張九齡

征鞍窮郢路歸棹入湘流  
望鳥惟貪疾聞猿亦罷愁  
兩邊楓作岸數處橘為洲  
却記從來意翻疑夢裏遊

自湘水南行

張九齡

落日惟行舫  
逶遲洲渚間  
誰云有物役  
乘此更休閒  
暝

色生前浦清暉發近山中流澹容與惟愛鳥飛還

岳州有贈

張九齡

極浦三春草高樓萬里心楚山晴靄碧湘水暮流深忽  
與朝中舊同為澤畔吟停盃試北望還欲淚沾襟

南州有贈

張九齡

越井人南去湘川水北流江邊數盃酒海內一孤舟嶺  
嶠同仙客京華即舊遊春心將別恨萬里共悠悠

和李侍御渡松滋江

孟浩然

南紀西江潤皇華御史雄截流寧假楫挂席自生風  
窈窕爭攀鷁魚龍亦避驄坐聞白雪唱翻入棹歌中

萬山潭

孟浩然

垂釣坐盤石水清心亦閒魚行潭樹下猿卧島藤間  
遊女昔解佩傳聞於此山求之不可得沿月棹歌還

洞庭寄閻九

孟浩然

洞庭秋正濶余欲泛歸船莫辨荆吳地惟餘水共天  
渺瀰江樹沒合沓海潮連遲爾為舟楫相將濟巨川



夜渡湘水

孟浩然

客行貪利涉夜裏渡湘川  
露氣聞芳杜歌聲識采蓮  
榜人投岸火漁子宿潭烟  
行旅時相問沅陽何處邊

岳陽樓

孟浩然

八月湖水平涵虛混太清  
氣蒸雲夢澤波撼岳陽城  
欲濟無舟楫端居恥聖明  
坐觀垂釣者徒有羨魚情

與諸子登岷山

孟浩然

人事有代謝往來成古今  
江山留勝蹟我輩復登臨  
水

落魚梁淺天寒夢澤深羊公碑尚在讀罷淚沾襟

峴山

李白

訪古登峴首憑高眺襄中天晴遠峯出水落寒沙空弄  
珠見游女醉酒懷山翁感嘆發秋興長松鳴夜風

武昌懷古

李白

清景南樓夜風流在武昌庾公愛秋月乘興坐匡床龍  
笛吹寒水天河落曉霜我心還不淺懷古醉餘觴

岳陽樓

李白

樓觀岳陽盡川迥洞庭開鴈引歸心去山啣好月來雲  
間連下榻天上接行杯醉後涼風起吹人舞袖迴

與賈舍人於龍興寺望澧湖  
李白

剪落青梧枝澧湖坐可窺雨洗秋山淨林光淡碧滋水  
開明鏡轉雲繞畫屏移千古風流事名賢共此時

至鴨欄驛登白馬磯訪裴侍御  
李白

側疊萬古石橫為白馬磯亂流若電轉舉棹揚珠輝臨  
驛捲緹幕升堂接繡衣情親不避馬為我解霜威

漢江臨泛

王維

楚塞三湘接荆門九派通江流天地外山色有無中郡  
邑浮前浦波瀾動遠空襄陽好風日留醉與山公

送孟六歸襄陽

王維

杜門不欲出久與世情疏以此為長策勸君歸舊廬醉  
歌田舍酒笑讀古人書好是一生事無勞獻子虛

漢陽即事

王維

楚國千里遠孰知方寸違春遊歡有客夕寢賦無衣江

水帶冰綠桃花隨雨飛九歌有深意捐佩乃言歸

與鮮于庶子泛漢江

岑參

急管更須吹金杯莫遣遲酒光紅琥珀江色碧琉璃日  
影浮歸棹蘆花胃釣絲山公醉不醉問取葛強知

峽隘

杜甫

聞說江陵府雲沙靜渺然白魚如切玉朱橘不論錢水  
有遠湖樹人今何處船青山各在眼却望峽中天

公安懷古

杜甫

野曠呂蒙城江空蜀帝營寒天催日短風浪與雲平洒  
落君臣契飛騰戰伐名維舟倚前浦長嘯一含情

泊岳陽城下

杜甫

江國踰千里山城僅百層岸風翻夕浪舟雪灑寒燈留  
滯才難盡艱危氣益增圖南未可料變化有鯢鵬

登岳陽樓

杜甫

昔聞洞庭水今上岳陽樓吳楚東南坼乾坤日夜浮親  
朋無一字老病有孤舟戎馬關山北憑軒涕泗流

陪裴使君登岳陽樓

杜甫

湖濶兼雲霧樓孤屬晚晴  
禮加徐孺子詩接謝宣城  
雪岸叢梅發春泥百草生  
敢違漁父問從此更南征

宿青草湖

杜甫

洞庭猶在目青草續為名  
宿漿依農事郵籤報水程  
寒冰爭倚薄雲月遞微明  
湖雁雙雙起人來故北征

宿白沙驛

杜甫

水宿仍餘照人烟復此亭  
驛邊沙舊白湖外草新青  
萬

象皆春氣孤槎自客星隨波無限月的的近南溟

湘夫人祠

杜甫

肅肅湘妃廟空墻碧水春蟲書玉佩  
辭燕舞翠帷塵晚泊登汀樹微馨借渚蘋  
蒼梧恨不盡染淚在叢筠

祠南夕望

杜甫

百丈牽江色孤舟泛日斜興來猶杖屨  
目斷更雲沙山鬼迷春竹湘娥倚暮花  
湖南清絕地萬古一長嗟

入喬口

杜甫



漠漠舊京遠遲遲歸路賒殘年傍水國落日對春華樹  
窳早蜂亂江泥輕燕斜賈生骨已朽悽惻近長沙

銅官渚守風

杜甫

不夜楚帆落避風湘渚間水耕先浸草春火更燒山早  
泊雲物晦逆行波浪慳飛來雙白鶴過去杳難攀

雙楓浦

杜甫

輟棹青楓浦雙楓舊已摧自驚衰謝力不道棟梁材浪  
足浮紗帽皮須截錦苔江邊地有主暫借上天迴

潭州送韋員外牧韶州

杜甫

炎海韶州牧，風流漢署郎。  
分符先令望，同舍有輝光。  
白首多年疾，秋天昨夜涼。  
洞庭無過雁，書疏莫相忘。

潭州留別杜員外院長

杜甫

江畔長沙驛，相逢纜客船。  
大名詩獨步，小郡海西偏。  
地濕愁飛鵬，天炎畏站鳶。  
去留俱失意，把臂共潸然。

江閣對雨有懷行營裴二端公

杜甫

南紀風濤壯，陰晴屢不分。  
野流行地日，江入度山雲。  
層

閣憑雷殷長空水面文雨來銅柱北應洗伏波軍

早發湘潭寄員外院長

杜甫

北風昨夜雨江上早來涼楚岫千峯翠湘潭一葉黃故人湖外客白首尚為郎相憶無南雁何時有報章

衡嶽訪已公

杜甫

已公茅屋下可以賦新詩枕簟入林僻茶瓜畱客遲江蓮搖白羽天棘蔓青絲空忝許詢輩難酬支道詞

耒陽舟中有懷盧侍御

杜甫

朔風吹桂水大雪夜紛紛暗度南樓月寒深北渚雲燭  
斜初近見舟重覺無聞不識山陰道聽雞更憶君

衡州送李大夫七丈勉赴廣州

杜甫

斧鉞下青冥樓船過洞庭北風隨爽氣南斗避文星日  
月籠中鳥乾坤水上萍王孫丈人行垂老見飄零

湘中有懷

張謂

八月洞庭秋瀟湘水北流還家萬里夢為客五更愁不  
用開書帙偏宜上酒樓故人京洛滿何日復同遊

道林寺送莫侍御

張謂

何處堪畱客  
香林隔翠微  
薜蘿通驛騎  
山竹挂朝衣  
霜引臺烏集  
風驚塔雁飛  
飲茶勝飲酒  
聊以送將歸

寄崔澧州

張謂

共襍臺郎被  
俱牽郡守帷  
罰金殊往日  
鳴玉幸同時  
五馬來何晚  
雙魚贈已遲  
江頭望鄉月  
無夜不相思

玉泉寺

常建

清晨入古寺  
初日照高林  
竹徑通幽處  
禪房花木深  
山

光悅鳥性潭影空人心萬籟此俱寂惟聞鐘磬音

移使鄂州次峴陽館懷舊居

劉長卿

多慚思未報敢問路何長萬里通秋雁千峯共夕陽舊  
遊成遠道此去更違鄉草露空山裏朝朝滿客裳

重陽日鄂城樓送屈突司直

劉長卿

登高復送遠惆悵洞庭秋風景同前古雲山滿上游蒼  
蒼來暮雨淼淼逐寒流今日關中事蕭何共爾憂

湘妃廟

劉長卿

荒祠古木暗寂寂此江濱未作湘南雨知為何處雲苔  
痕斷珠履草色帶羅裙莫唱迎仙曲空山不可聞

雨中過袁稷巴陵山居

劉長卿

憐君洞庭上白髮向人垂積雨悲幽獨長江對別離牛  
羊歸故道鳥雀聚寒枝明發遙相望雲山不可知

岳陽館中望洞庭湖

劉長卿

萬古巴丘戍平湖此望長問人何淼淼愁暮更蒼蒼疊  
浪浮雲氣中流沒太陽孤舟有歸客早晚達瀟湘

寄鄂州郎使君士元

李嘉祐

龍節知無事江城不掩扉詩傳過客遠書到故人稀坐  
嘯看潮起行春送雁歸望舒三五夜思盡謝元暉

蒙泉

李德裕

茲泉由太潔終不蓄纖鱗到底清何益涵虛勢自貧明  
璣難秘彩美玉詎潛珍未及黃陂量滔滔豈有津

江行次武昌縣

盧綸

客寄五湖間扁舟往復還年年生白髮處處上青山去



國空知遠安身竟不開更悲江畔柳長是北人攀

晚次巴陵

李端

雪後柳條新巴陵城下人烹魚招水客載酒奠山神雲  
去低斑竹風來動白蘋不堪逢楚老日暮正江春

雲夢故城秋望

戎昱

故國惟墟在登臨想舊遊一朝人事變千載水空流夢  
渚鷗飛晚荆門樹色秋片雲凝不散遙掛望鄉愁

春日遊僧院

戎昱

曾共劉誥議同時事道林與君相掩淚來客豈知心塔  
雪凌春積爐烟向暝深依然舊童子相送出花陰

潭州使院書情寄江夏賀蘭副端 戴叔倫

雲雨一蕭散悠悠關復河俱從泛舟役近隔洞庭波春  
水去不盡秋風今又過無因得相見却恨寄書多

過郴州

戴叔倫

地盡江南戍山分桂北林火雲三月合石路九疑深暗  
谷隨風過危樓共鳥尋羈魂愁已絕不復待猿吟

次下牢

戴叔倫

獨立荒亭上蕭蕭對晚風  
天高吳塞濶日落楚山空  
猿叫三聲斷江流一水通  
前程千萬里一夕宿巴東

經巴東嶺

戴叔倫

巴山不可上徒馭亦徘徊  
舊棧欹難度朝雲濕未開  
瀑泉飛雪雨驚獸走風雷  
此去無停候征人幾日回

攜謝山人至愚池

柳宗元

新沐換輕幘曉池風霧清  
自諧塵外意況與幽人行  
霞

散衆山過天高數雁鳴  
機心付當路聊適羲皇情

同李二十八夜次襄城

韓愈

周楚仍連接川原乍屈盤  
雲垂天不暖塵漲雪猶乾  
印綬歸台室旌旗別將壇  
欲知迎候盛騎火萬星攢

杪秋登江樓

李賀

平楚超寒色長沙猶未還  
世情何處淡湘水向人間  
空翠隱高鳥夕陽歸遠山  
孤雲萬餘里惆悵洞庭間

宿臨江驛

張籍

楚驛南渡口夜深來客稀  
月明見潮上江靜覺鷗飛  
旅宿今已遠此行殊未歸  
離家久無信又聽擣寒衣

湘中間夜遣興

朱慶餘

釣艇同琴酒良宵背水濱  
風波不起處星月盡隨身  
浦迥湘烟捲林香嶽氣春  
誰知此中興寧羨五湖人

送南陵李少府

許渾

高人亦未閒來往楚雲間  
劍在心應壯書窮髮已斑  
落帆秋水寺驅馬夕陽山  
明日南昌尉空齋又掩關

賈誼宅

許渾

一謫長沙地三年嘆逐臣  
上書憂漢室作賦弔靈均  
舊宅愁荒草西風薦客顛  
淒涼回首處不見洛陽人

楚江懷古

馬戴

露氣寒光集微陽下楚丘  
猿啼洞庭樹人在木蘭舟  
廣澤生明月蒼葭夾亂流  
雲中君不降竟夕自悲愁

送客南遊

馬戴

疑卜何山隱高秋指岳陽  
葦乾雲夢色橘熟洞庭香  
疎

雨殘虹影回雲背鳥行靈均如可問一為哭清湘

夜入湘中

馬戴

洞庭人夜到孤棹入湘中露洗寒山遍波搖楚月空  
密林飛暗狖廣澤發鳴鴻行旅揚帆者江分又不同

送人赴湖南

李頻

關門鳥道中飛轉復乘驄暮雪離秦甸春雲入楚宮  
平蕪天共濶積水地多空使府懸帆待能消幾日風

夜泊湘江

于武陵

北風吹楚樹此地獨先秋  
何事屈原恨不隨湘水流  
涼天生半月竟夕伴孤舟  
一作南行客無成空白頭

又

楚人歌竹枝遊子淚沾衣  
異國久為客寒宵頻夢歸  
一封書未達千樹葉皆飛  
南渡洞庭水更應消息稀

湘遊有感

于武陵

杜陵無厚業不得駐車輪  
重到曾遊處多非舊主人  
東風千里樹西日一洲蘋  
又渡湘江水湘江水復春



洞庭

李羣玉

楚色籠秋草  
秋風洗洞庭  
久霏生水寺  
初月落雲汀  
棹響來空濶  
漁歌去杳冥  
欲浮東下艇  
一到斗牛津

中秋維舟君山看月

李羣玉

汗漫鋪澄碧  
朦朧吐玉盤  
雨師清滓穢  
川伯掃波瀾  
氣射繁星滅  
光籠八表寒  
從來雲漲迥  
路上碧霄寬

又

熠燿遊何處  
蟾蜍食漸殘  
棹翻銀浪急  
林映白虹攢  
練

影連河曉冰暉壓樹乾  
夜深高不動天上仰頭看

送長沙韋明府之任

李羣玉

秋入長沙縣蕭條旅宦心  
烟波連桂水官舍映楓林  
雲日楚天暮沙汀白露深  
遙知訟庭裏佳政在鳴琴

送友人歸嶽麓

杜荀鶴

家枕三湘岸門前即釣磯  
漁竿經歲別鶴髮亂時歸  
嶽靜無猿叫江春有燕飛  
平生書劍在莫便學忘機

岳陽僧舍

張喬

喜到重湖地孤舟橫晚烟鷺啣魚入寺鴉接飯隨船松  
檜君山迴菰蒲夢澤連與師吟論處秋水浸遙天

岳陽

張喬

遠色岳陽樓湘帆數片愁竹風山上路沙月水中洲力  
學桑田廢思歸鬢髮秋功名如未立豈易狎汀鷗

尋桃源

張喬

武陵春草齊花影隔澄溪路遠無人去山空有鳥啼水  
垂青靄斷松偃綠蘿低世上迷途客經茲盡不迷

遊南嶽

張喬

入巖仙境清行盡復重行若得閑無事長來寄此生澗  
松閒易老籠燭晚生明一宿泉聲裏思鄉夢不成

江行二首

司空圖

地濶分吳塞楓高映楚天迴塘春盡雨方響夜深船行  
紀添新夢羈愁甚往年何時京洛路馬上見人煙

又

初程風信好迴望失津樓日帶潮聲晚烟含楚色秋戍

旗當遠客島樹轉驚鷗此去非名利孤帆任白頭

洞庭

許棠

驚波常不定半日髮堪斑四顧疑無地中流忽有山鳥  
高常畏墜帆遠却如閑漁父前相引時歌浩渺間

章華臺

韋莊

清瑟怨遙夜繞絃風雨哀孤燈聞楚角殘月下章臺芳  
草已云暮故人殊未來鄉書不可寄秋雁又南回

訪衡山廖凝山居

李建勳

鄂客相尋夜荒庭雪洒蒿虛堂看向曙吟坐共志勞溪  
凍聲全滅燈寒焰不高他人莫相笑未易會吾曹

秋宿洞庭

周賀

洞庭初下葉旅客不勝愁明月天涯夜青山江上秋一  
宵成白首萬里寄滄洲只被浮名繫寧無愧海鷗

送楊嶽歸巴陵

周賀

何處得鄉信告行當雨天人離京口日潮入岳陽船孤  
鳥背林色遠帆開浦烟悲君惟此別不肯話迴年

湘妃怨

王貞白

舜欲省蠻陬南巡非逸遊九山沉白日二女淚滄洲日  
極楚雲斷恨深湘水流至今聞鼓瑟咽絕不勝愁

送客歸湖南

楊凝

湖南樹葉盡了了見潭州雨散今為別雪飛何處遊情  
來翻似醉淚迸不成流那向蕭條路緣湘黃竹愁

巴陵村行

姚揆

天淡雨初晴遊人恨不勝亂山啼蜀魄孤棹宿巴陵影

射村橋柳光寒水寺燈能吟思故國窓外有魚罾

岳陽樓

江為

倚樓高望極展轉念前途晚葉紅殘楚秋江碧入吳雲  
中來雁急天未去帆孤明月誰同我悠悠上帝都

洞庭南館

張祐

一逕逗霜林朱欄遠碧岑地盤雲夢角山鎮洞庭心樹  
白看烟起沙紅見日沉還因此悲屈惆悵又行吟

送友人歸武陵

張蠡



聞近桃源住無村不是花  
戍旗招海客廟鼓集江鴉  
別島垂橙實閑田長荻花  
遊春未得意看即是離家

送李山人住衡山

黃滔

漢渚往湘川乘流入遠天  
新秋無岸水明月有琴船  
露坐應通曉萍居恐隔年  
嶽峯千萬仞知上嘯猿巔

寄衡嶽劉錄事

喻鳧

城西青鳥寺累夏噉寒泉  
今在提綱所應難掃石眠  
風沙榆塞迴波浪橘洲偏  
重整瀟湘棹心期更幾年

寺居秋夜對雨有懷

喻鳧

修修復震震黃葉此時飛  
隱几客吟斷隣房僧話稀  
鷓鴣寒棲樹定螢濕在窓微  
即事瀟湘渚漁翁披草衣

送衡州薛從事

鄭巢

吟去望雙旌滄洲晚氣清  
遙分高岳色亂出遠蟬聲  
楚霽雲連寺湘寒浪浸城  
孤猿不可聽一任白髭生

湖南草堂讀書招李少府

釋皎然

削去僧中事南池便隱居  
為憐松子壽還讀道家書  
樂

院常無客茶罇獨對余  
有時招送吏來飯野中蔬

湘州懷古

釋清江

瀟湘連汨羅復對九疑河  
浪勢屈原塚竹聲漁父歌  
地荒征騎少天暖浴禽多  
脉脉東流去古今可奈何

宋

巴東驛秋日晚望

寇準

楚驛獨閭望山村秋暮天  
數峯橫夕照一笛起江船  
遺恨須言命冥心漸學禪  
遲遲未回首深谷暗寒烟

巴陵書事

寇準

鄉思終日有孤淡厭琴樽衆木侵山徑寒江逼縣門浪  
沉灘見脊雨過壁生痕憔悴悲蘭蕙因思楚屈原

題巴陵寺

寇準

寺在啼猿外門開古澗涯山深微有徑樹老半無枝望  
遠雲常暝談空日漸移明朝余馬去還失白蓮期

荊州三首

蘇軾

遊人出三峽楚地盡平川北客隨南賈吳檣間蜀船江

侵平野斷風捲白沙旋欲問興亡意重城自古堅

又

南方舊戰國慘澹意猶存慷慨因劉表淒涼為屈原廢  
城猶帶井古姓聚成村亦解觀形勝昇平不敢論

又

楚地濶無邊蒼茫萬頃連耕牛未常汗投種去如捐農  
事誰當勸民愚亦可憐平生事遊惰那得怨凶年

岳陽

張天啟

天入平湖遠樓深納霽華青山藏福地碧樹記人家水  
落魚龍蟄風高雁鷺斜古來形勝地何事憶長沙

武陵道中

唐庚

朝持漢使節暮作楚囚奔路入離騷國江通欵乃村垣  
墻知地濕草木驗冬溫寂寞桃源路行人祇斷魂

和張晉彦遊嶽麓

張栻

齋舫凌烟浦雲屏入畫圖日烘花炫晝風定水明湖布  
穀催春種提壺勸客酤湘中無限景賦咏繼三都

陪黃秉仲渡湘飲嶽麓臺上分韻得長字

張栻

支筇穿百級把酒問春光喬木依然在幽蘭祇自芳未  
嘗湘水滿要覺橘洲長暝色猶回首天涯話故鄉

懷嶽麓

朱子

風月平生意江湖自在身年華供轉徙眼界得清新試  
問西山雨何如湘水春悠然一長嘯妙絕兩無倫

祝融峯

僧佛印

秋風吹拄杖直到祝融巔目極三千界肩摩尺五天扶  
桑暘谷畔青草洞庭邊雲氣無遮障分明在眼前

元

雙清夜月

完顏思中

古廟英靈在神光射九州亂山排萬疊一石砥中流野  
水雲邊寺夕陽霞外樓倚欄時一嘯不見故人舟

登大別山

薩天錫

落日在平地蒼茫吳楚秋人隨孤鶴遠天共九江流風



物登淮海樓船下鄂州  
凭高一登眺不盡古今愁

南湖

丁鶴年

南浦幽棲地當門  
卷畫開青山入雲去  
白雨渡湖來石潤生  
龍氣川光媚蚌胎  
芙蓉三百頃何處着  
炎埃

明

賦得滄浪送人之襄陽

楊士奇

漢水帶襄城滄浪舊有名  
分符來五馬如練照雙旌  
濟涉思為楫聽歌想濯纓  
須令郡人說堪比使君清

過蒲圻

何景明

向晚蒲圻道遙聞雞犬喧斜陽入深巷疎雨過間門縣  
市渾依水人烟只類村蕭條燈火夕沽酒共誰論

送張司勳赴寶慶同知

高啟

乍出司勳幕還乘別駕車按圖猶漢地輸布或蠻家山  
熱蛇懸樹江晴鶴浴沙郡樓回首處北斗近京華

岳陽樓

楊基

春色醉巴陵闌干落洞庭水吞三楚白雲接九疑青空

潤魚龍舞娉婷  
帝子靈何人  
夜吹笛風急  
雨冥冥

鄂渚

邊貢

鄂渚維舟楫  
登高覽洞庭  
地連秋水白  
天入暮山青  
望闕瞻星斗  
懷人感鵲鷓  
漁歌向夕起  
嗚咽不堪聽

溫泉洞

羅洪先

淡日天初曙  
晴烟逐馬來  
鳥啼山谷應  
雲出洞門開  
望闕心千里  
尋春酒一杯  
夕陽人影亂  
我亦看山回

送王良醫之武岡

皇甫汈

白髮微官在滄江別路長  
看星趨翼軫問水過沅湘  
采藥人千里聞猿淚幾行  
惟應鴻寶秘猶得傅淮王

宿流河驛遇寶慶謝太守省

李東陽

仰止懷先達相逢即舊知  
別離曾有贈舟楫本無期  
細雨春燈暗高歌暮閣悲  
從君問前路江海得吾師

桃源

鄒守愚

風雨來清夜孤亭客思深  
誰為青眼客先寄白頭吟  
萬里瞻雲淚平生報國心  
驅車如有待莫惜此登臨

遊武昌江龍盤磯寺

王廷陳

巨石表江心，花宮傍太陰。  
天寒龍卧穩，雲迴鴈飛深。  
棟宇飄明鏡，汀洲響梵音。  
慈航向夕渡，轉覺戀祇林。

楚眺

王廷陳

眺迴臨高閣，江湘萬里餘。  
草邊雲夢獵，花下武陵漁。  
白日山川氣，秋水竹居仙。  
踪同霸業消，歇總愁予。

太和即事

王世貞

名出登封晚，功存象帝先。  
山疑鞭石就，室似鑿空懸。  
有

壑難窺地無峯不刺天所遊疑夢境回首即茫然

送胡主事權稅荊州

唐順之

南州饒菑草此去豈徒然言徵山海賦用助水衡錢并  
邑千金市江門百丈船錐刀未可筆寬大見君賢

暮投方廣寺宿

張居正

白雲處處滿行子暮何棲不辨幽林色惟聞飢鳥啼虛  
巖映靈籟人語隔前溪夜宿莊嚴境明珠照客遲

過雲溪驛

毛伯溫

匹馬雲溪道郵亭行復行野橋春水急茅店午烟清暖  
日纔舒柳輕風數轉鶯古來淳朴地健婦把犁耕

君山夜望

楊一鵬

湘山竒絕處夜色靜娟娟老蚌含明月青螺吐暮烟難  
分星與火莫辨水連天欸乃歌何樂遙知是刺船

長沙郡中西樓

鄒統魯

覽勝登高嶺乘危俯大川泉聲懸夜月石氣散朝烟好  
日遊人履長風估客船故人詩句滿流水應朱絃

巴東雨

陳文燭

山閣吹秋雨鄉心此倍生  
百泉飛樹杪一夜走江聲  
歷盡石山險傳聞前路平  
明朝叱馭去繚繞望新晴

遊洪山

袁中道

醒却穠華夢來為冷石遊  
紆迴緣綠嶂枕藉見紅樓  
雪影江天靜林烟沙渚浮  
倚闌神頓爽信矣癖山丘

九日登中郎沙市宅上三層樓

袁中道

滿眼傷心處誰能上此樓  
林煙迷蜀道帆影識吳舟  
峴



北人何在江南草又秋  
茱萸空到手欲插淚先流

章臺寺和小修韻

袁宏道

飛塵冷冷消人語  
隔烟遙雨洗青畦  
道風薰白芷  
苗竹深存廢  
碣僧老話前朝  
霸業荒殘盡  
虛名只細腰

雪中投宿招隱寺

袁宏道

下馬歷嶠岼  
晶晶四壁寒  
山門雲占斷  
佛舍雨澆殘  
茶好臨泉試  
松宜帶雪看  
軒窓無一可  
辜負此峯巒

又

細數高低嶺閒詢遠近鄉山烟隨澗出松火隔林香雪  
冷苔莓殿雲封薜蘿墻里門通德近誰與關荒涼

過恨這關

熊廷弼

兩年關上路三度病中過哀為沙場早愁緣世網多逐  
臣甘糞土舉國誤風波涕淚三朝事馳驅敢恤他

龍陽縣

楊嗣昌

僦船牽岸住燈火向城孤井邑黃龍置圖經白杏湖隔  
溪連理度殘夜竹枝無不測巴邱水皇皇衆所趨

黃牛寺

雷思霈

為雨為雲峽三朝三暮山禹書空屢鑿宋敕錦猶斑初  
月流江外晴霞落照間汲泉深澗入烹茗覺僧閒

登神鼎閣

王穉登

昔從汾水得今自楚原登建閣藏神物題詩紀瑞徵辨  
銘周鳥字問地漢陽興易表三公象因之頌彥升

又中秋劉近城攜酒龍湖

余表

舉網澄潭下凭欄看得魚誰將從事酒一問子雲廬水

白沙鷗淨天空木葉疎中秋今夜月爾我共躊躇

皇清

送畢十臣還蘄水

吳偉業

得失歸時輩如君總不然  
共知三徑志早定十年前  
舊業先疇廢家風素德傳  
蕭條書一卷重上故鄉船

黃鶴樓

劉子壯

晴川與黃鶴氣勢遙縱橫  
靜見水聲合空疑山勢爭  
三洲秋色遠萬樹午風清  
帆影中流去遙遙江漢情

蕭園獨坐喜孫中立至

熊伯龍

城市烽烟後謀棲景易幽徑荒無洒掃客至任淹留  
飲覺頻來好棋因屢北休商飈何太促麻葛一聲秋

西山喜雨和韻

王追騏

拂簟有微涼樓西山影蒼新泉鳴九曲幽夢繞三湘  
靜識風雲氣徐飄翰墨香竹林清興好餘得幾人狂

其二

松閣偏宜暑羣賢到上方雅知官舍靜忽愛水雲長

聽雨添瀟灑看山接混茫獨憐憔悴叟高卧咏滄浪

朱陵洞

在石鼓書院後

夏光沅

不有神仙宅應忘旅客愁城煙烘樹杪湘水盪山頭  
日薄千溪雨陰深六月秋坐消塵事淨葵扇自風流

元佑宮

葉封

琳宮古縣基碧瓦尚參差地接潛龍邸門當養鶴池  
云誰種瑤草無路夢瓊枝丹閣憑虛處天風不斷吹

仲春署中偶咏

方象璜

江自三川下平分百里洲築堤將望歲禦水動防秋  
取用皆蘆荻生涯半釣舟登高時寓目泛泛似浮鷗

過富池

汪國滌

漫覺孤帆疾難舒倦眼看霜生千樹紫月照一江寒  
漸遠鄉心失頻遊客緒寬空山餘霸烈寄意此綸竿

洞庭二首

金德嘉

空濛疑太古溟滓入虛無漠漠黃陵廟茫茫青草湖  
星躔從水濶烏影際天孤一夕安能賦瀟湘渾畫圖

又

雲夢為襟帶君山一羽毛五行偏積水二氣滌生濤  
煙雨湘靈瑟風雷楚國騷涼秋應漸涸臨眺尚滔滔  
永州道中示易無書 王岱

松影碧搖搖無風亦自濤寒花隨澗落細路入峯高  
雲動低依客烟深遠唱樵嶽青九面外此地足誅茆  
岳陽樓望洞庭 陳公祿

縱目真寥濶樓觀近日邊下臨猶有地空外恐無天



雲夢蒸餘氣瀟湘見古烟置身縹緲際萬頃總茫然  
道士泐午泊

陳大章

斷壁千尋立盤渦百折旋懸崖何代寺草市數家烟  
斫鱸從漁父占風信長年忽驚潭面黑疑是毒龍涎

富池

陳大章

錦纜英風舊荒祠古泐餘雅兵工接食烏鬼慣銜魚  
就岸時酌酒看山不廢書五峯如有意縹緲襲雲裾

棘院古松十首

王士俊

何人曾手種含意在其間深鎖院中院如藏山外山  
青雲引鐵幹白雪鍊蒼顏祇許栖鸞鶴凡禽那得攀

其二

俯視千章木亭亭逼廣寒却疑仙桂影都作老龍蟠  
百尺凌雲起孤根拔地看青蔥常不改三載集羣鸞

其三

多士雲蒸地虬枝古色蒼滋培新雨露閱歷幾冰霜  
造物存真鑒無言祇自芳公門薄桃李誰共歲寒香

其四

一自離邱壑形完天亦全部華不與競搖落獨爭妍  
勁節餘盤錯韜光享大年風塵物色外相賞在雲烟

其五

物以知希貴良材不易逢靈根信有托生意總無窮  
老氣橫牛斗踈濤挾雨風文光相映藉鱗甲好騰空

其六

不種梧桐樹鳳凰靈境開人情思擇木天意在因材

太白吟詩興元暉作賦才秋飈驚乍起筆底海潮來  
其七

却愛蒼髯叟常然翰墨場此心含太古凡卉不同香  
蟲起雲霄動光依日月長衆皆瞻特立不礙及肩牆  
其八

豈肯誇秦爵寧教入楚辭鬱蟠人所見根柢復誰知  
歟作蛟螭勢凝如虎豹姿頂烟吾未敢空自問松滋  
其九

畢宏與韋偃難畫此槎枒若擬加題品居然一大家  
上林探杏蓋左掖詠梨花南國青袍客誰將梁棟誇

其十

史尊百木長文誦萬年枝上有太平雀下看飛節芝  
仙家勤服食神物好扶持颺拜還稱壽長賡天保詩

辰溪道中

趙宏恩

仗節西來路千峯擁翠衾病鴉箋月浪醉葉夢雲岑  
秋老灘聲晚霜澄泡影深蠻烟偷入畫倦眼認山陰

澗川八景

涂天相

琴堂槐蔭

揮絃堂上理堂下結重陰老榦方成蓋孫枝又作林  
雷風全未剝日月總相尋為問南柯守曾聞流水音

泮沼荷香

數仞宮牆裏沼池遶穗雲一橋通泗水兩序列皇墳  
紳笏聯鞞鐸芙蓉漾藻芹三千七十後若箇與斯文

程臺夜月

名賢經此地絃誦有餘聲  
月色縹緗映花光筆研清  
湖天同一眺臺榭已三更  
風教誰司者能無懷古情

董塚春雲

晴雲四面集至孝動天人  
宰樹朝栖鶴穹臺夜宿麟  
笠簞騰舞拜冠蓋肅精神  
不盡董湖水潺潺日夕聞

西湖酒館

一灣湖水綠蕩漾酒旗飄  
老嫗今安在當壚別見招  
爭畱學士帶漫解相公貂  
更有微行客酌然度此橋

北涇漁歌

萬頃烟濤裏時聽欸乃歌水肥魚競上冰合網偏多  
晚唱窮彭蠡朝歛盪楚渦漁家天與樂樵牧未能過

雙峯瀑布

兩山嵐氣合瀑勢似潮懸海立千尋石雲飛萬壑泉  
虬龍濡沫遠苔蘚著花妍澤潤生民處寧知二頃田  
凌嶺橫屏

竚立雙峯頂峻山拱作屏古松堪入畫怪石遠浮青



萬壑縫攢壁千巖錦錯星好書天保頌覆以九如亭

漢上曉烟

張叔珽

曉烟生水次春樹兩崖平古屋炊初動鄰舟雞尚鳴  
青惟畱遠塢白不上高城莫漫看圖畫余真畫裏行



湖廣通志卷八十七

欽定四庫全書

史部

湖廣通志卷

八十八至  
九十

詳校官監祭御史<sub>臣</sub>陳化龍

檢討<sub>臣</sub>德生覆勘

總校官知縣<sub>臣</sub>繆琪

校對官中書<sub>臣</sub>陸湘

謄錄監生<sub>臣</sub>姚培寔

欽定四庫全書

湖廣通志卷八十八

藝文志

七言律詩

唐

登襄陽樓

孟浩然

縣城南面漢江流  
江嶂開成南雍州  
才子乘春來騁望  
羣公暇日坐銷憂  
樓臺晚映青山郭  
羅綺晴驕綠水洲

向夕波搖明月動更疑神女弄珠遊

鸚鵡洲

李白

鸚鵡來過吳江水江上洲傳鸚鵡名鸚鵡西飛隴山去  
芳洲之樹何青青煙開蘭葉香風起岸夾桃花錦浪生  
遷客此時徒極目長洲孤月向誰明

黃鶴樓

崔顥

昔人已乘白雲去此地空餘黃鶴樓黃鶴一去不復返  
白雲千載空悠悠晴川歷歷漢陽樹芳草萋萋鸚鵡洲

日暮鄉關何處是煙波江上使人愁

送楊少府貶郴州

王維

明到衡山與洞庭若為秋月聽猿聲愁看北渚三湘遠  
惡說南風五兩輕青草瘴時過夏口白頭浪裏出湓城  
長沙不久留才子賈誼何須弔屈平

送李少府貶峽中王少府貶長沙高適

嗟君此別意何如駐馬銜杯問謫居巫峽啼猿數行淚  
衡陽歸雁幾封書楓江上秋天遠白帝城邊古木疎

聖代即今多雨露暫時分手莫躊躇

江陵節度使陽城郡王新樓成王請嚴侍御同作

杜甫

樓上炎天冰雪生高飛燕雀賀新成碧窻宿霧濛濛濕  
朱拱浮雲細細輕仗鉞褰帷瞻具美投壺散帙有餘清  
自公多暇延參佐江漢風流萬古情

宋玉宅

杜甫

搖落深知宋玉悲風流儒雅亦吾師悵望千秋一灑淚

蕭條異代不同時江山故宅空文藻雲雨荒臺豈夢思  
最是楚宮俱泯滅舟人指點到今疑

至衡州酬郭十五判官

杜甫

才微歲老尚虛名卧病江湖春復生樂裏關心詩摠廢  
花枝照眼句還成只同燕石能星隕自得隋珠覺夜明  
喬口橘洲風浪促繫帆何惜片時程

燕子來舟中作

杜甫

湖南為客動經春燕子銜泥兩度新舊入故園嘗識主

如今社日遠看人可憐處處巢君室何異飄飄託此身  
暫語船檣還起去穿花貼水益霑巾

長沙送李十一

杜甫

與子避地西康州洞庭相逢十二秋遠媿尚方曾賜履  
竟非吾土倦登樓久存膠漆應難並一辱泥塗遂晚收  
李杜齊名真忝竊朔雲寒菊倍離憂

小寒食舟中作

杜甫

佳辰強飯食猶寒隱几蕭條戴鶡冠春水船如天上坐



老年花似霧中看  
娟娟戲蝶過閒慢  
片片輕鷗下急湍  
雲白山青萬餘里  
愁看直北是長安

辰陽即事

張謂

青楓落葉正堪悲  
黃菊殘花欲待誰  
水近偏逢寒氣早  
山深常見日光遲  
愁中卜命看周易  
病裏招魂讀楚詞  
自恨不如湘浦雁  
春來即是北歸時

漢陽獻李相公

劉長卿

退身高卧楚城幽  
獨掩閒門漢水頭  
春草雨中行逕沒

暮山江上捲簾愁，幾人猶憶孫弘閣。百口同乘范蠡舟，  
早晚却還丞相印。十年空被白雲留。

青谿友人歸岳陽

劉長卿

洞庭何處雁南飛，江蒺蒼蒼客去稀。帆帶夕陽千里沒，  
天連秋水一人歸。黃花裛露開江岸，白鳥衝魚上釣磯。  
歧路相逢無可贈，老來空有淚沾衣。

岳陽樓

劉長卿

行盡清溪日已蹉，雲容山影兩嵯峨。樓前歸客怨秋夢，

江上美人疑夜歌，獨坐高高風勢急。  
平湖渺渺月明多，終期一艇隨樵去。  
來往片帆愁白波。

過賈誼故宅

劉長卿

三年謫宦此棲遲，萬古惟留楚客悲。  
秋草獨尋人去後，寒林空見日斜時。  
漢文有道恩猶薄，湘水無情弔豈知。  
寂寞江山正搖落，憐君何事到天涯。

杜員外垂示詩作此寄上

郭受

新詩海內流傳遍，舊德朝中屬望勞。  
郡邑地卑饒霧雨。

江湖天濶足風濤松醪酒熟旁看醉蓮葉舟輕自學操  
春興不知凡幾首衡陽紙價頓能高

送李教南嶽書記

郎士元

憐君才與阮家同掌記能資亞相雄入楚豈忘看泪竹  
泊舟應自愛江楓誠知客夢煙波裏肯厭猿啼夜雨中  
莫信衡陽書不到年年秋雁過巴東

越中送王使君赴江華

郎士元

皂蓋春風自越溪獨尋芳草桂陽西遠水浮雲隨馬去

空山弱篠向雲低遙知異政荆門北舊許新詩康樂齊  
萬里相思在何處九疑殘雪白猿啼

岳陽晚望

崔珣

乾坤千里水雲間釣艇如萍去復還樓上北風斜捲席  
湖中西日倒銜山懷沙有恨騷人往鼓瑟無師帝子閒  
何事黃昏尚凝睇數行烟樹接荆蠻

晚次鄂州

盧綸

雲開遠見漢陽城猶是孤帆一日程估客晝眠知浪靜

舟人夜語覺潮生三湘愁鬢逢秋色萬里歸心對月明  
舊業已隨征戰盡更堪江上鼓鼙聲

贈南嶽隱禪師

司空曙

擁褐安居南嶽頭白雲高寺見衡州石牕湖水搖寒月  
楓樹猿聲報夜秋講席舊逢沙鳥至梵經初向竺僧求  
自知身老將傳法因下人間遂此遊

送曲山人之衡州

司空曙

白石先生眉髮光已分甜雪飲紅漿衣巾半染烟霞氣

語笑兼和藥草香茅洞玉聲流暗水衡山碧色映朝陽  
千年城郭如相問華表峩峩有夜霜

松滋渡

劉禹錫

渡頭輕雨灑寒梅天際溶溶雪水來夢渚草長迷楚望  
夷陵土黑有秦灰巴人淚應猿聲落蜀客船從鳥道回  
十二碧峯何處所永安宮外有荒臺

寄澧州元郎中

劉禹錫

新降魚書墨未乾賢人暫屈遠人安朝驅旌旆行時令

夜見星辰憶舊官  
梅蘂覆階鈴閣煖  
雪峯當戶戟枝寒  
寧知楚客思公子  
北望長吟澧有蘭

送友人牧永州

劉禹錫

零陵香草滿郊垌  
丹穴雛飛入翠屏  
孝若歸來呈畫讚  
孟陽別後有山銘  
蘭陵舊地花纔結  
桂樹新枝色尚青  
為報儒林人盡道  
如今縱放鬢星星

漢壽城春望

劉禹錫

漢壽城邊野草春  
荒祠古墓對荆榛  
田中牧豎燒芻狗



陌上行人看石麟  
華表半空驚霹靂  
碑文纔見滿埃塵  
不知何日東瀛變  
此地還成要路津

楊尚書再授連州至衡陽酬贈別 柳宗元

去國十年同赴召  
湘江千里又分歧  
重臨事異黃丞相  
三黜名慚柳士師  
歸日併隨迴雁盡  
愁腸正遇斷猿時  
桂江東過連山下  
相望長吟有所思

酒中留上襄陽李相公 韓愈

濁水汙泥清路塵  
還曾同制掌絲綸  
眼穿長訝雙魚斷

耳熱何辭數爵頻銀燭未銷窻送曙金釵半醉座添春  
知公不久歸釣軸應許閒官寄病身

邵州陪王使君宴

楊巨源

西塞無塵多玉筵貔貅鴛鴦儼相連紅茵照水開尊俎  
翠幙當雲發管弦歌罷曉臨團扇靜舞容春映薄衫妍  
魯儒縱使他時有不似歡娛及少年

送林使君

張籍

詞客南來寵命新瀟湘郡入曲江津山幽自是深微處

俗樸應無爭競人郭外相連排殿閣市中多半用金銀  
知君不作家私計遷日還同到日貧

庾樓曉望

白居易

獨憑朱檻立凌晨山色初明柳色新竹霧曉籠銜嶺月  
蘋風煖送過江春子城陰處猶殘雪衙鼓聲前未有塵  
三百年來庾樓上曾經多少望鄉人

題岳陽樓

白居易

岳陽樓下水漫漫獨上危樓凭曲欄春岸綠時連夢澤

夕陽紅處近長安猿攀樹立啼何苦雁點湖飛渡亦難  
此地惟堪畫圖障華堂張與貴人看

五祖寺

裴度

徧尋真蹟躡莓苔世事全拋不忍回上界不知何處去  
西天移向此間來巖前芍藥師親種嶺上青松佛手栽  
更有一般人不見白蓮花向半天開

送林使君

朱慶餘

軒車此去也逢時地接湖南半入詩一月計程那是遠

中年出守未為遲水邊花氣薰衣服嶺上嵐光溼畫旗  
想得化工風土變州人應為立生祠

送人赴邵州

姚合

詔書飛下五雲間才子分符不等閒驛路筭程多是水  
州圖管地少於山江頭斑竹應尋遍洞口丹砂自採還  
清淨化人人自理終朝無事更相關

九日巴丘楊公臺上宴集

張泌

淒淒霜日上高臺水國寒深客思哀萬疊銀山寒浪起

一行秋色早鴻來  
誰家搖練孤城暮  
何處題衣遠信回  
江漢路長身不定  
菊花三笑旅懷開

晚泊湘源

張泌

烟郭遙聞向曉雞  
水平舟靜浪聲齊  
高林帶雨楊梅熟  
曲岸籠雲謝豹啼  
二女廟荒宮樹老  
九疑山碧楚天低  
湘南自古多離怨  
莫動哀吟易慘悽

過洞庭

張泌

征帆高掛酒初酣  
暮景離情兩不堪  
千里晚霞雲夢北

一洲霜橘洞庭南  
溪風送雨過秋寺  
澗石驚泉落夜潭  
漫把羈魂弔湘魄  
九疑愁絕鎖煙嵐

送劉秀才歸江陵

杜牧

綵服鮮華覲渚宮  
鱸魚新熟別江東  
劉郎浦夜侵船月  
宋玉亭春滿袖風  
落落精神將有立  
飄飄才思杳無窮  
誰人世上為金口  
借取明時一薦雄

漢水傷稼

許渾

西北樓開四望通  
殘霞成綺月懸弓  
江村夜漲浮天水

澤國秋生動地風高下綠苗千頃盡新陳  
紅粟萬箱空才微分薄憂何益却欲回心學釣翁

峽中嘗茶

皮日休

簇簇新英摘露光小江圍裏火煎嘗  
吳僧漫說鴉山好菊叟休誇鳥嘴香  
入座半甌輕泛綠開緘數片淺含黃  
鹿門病客不歸去酒渴更知春味長

襄州漢陽王故宅

皮日休

碑字依稀廟已荒猶聞耆舊憶興王  
園林一半為他主



山水虛言是故鄉，戟戶野蒿生翠瓦。  
舞樓栖鶴污雕梁，格天功業緣何事。  
不得終身似霍光。

送從弟皮崇歸復州

皮日休

羨爾優游正少年，竟陵風月似吳天。  
車螯近岸無妨取，舴艋隨風不費牽。  
處處路傍千頃稻，家家門外一渠蓮。  
殷勤莫笑襄陽住，為愛南溪縮項鱸。

秋晚自洞庭湖別業寄穆秀才

皮日休

破村寥落過重陽，獨自攬寧茸草房。  
風捲紅蕉仍換葉，

雨霖黃菊不成香  
野猿偷栗重窺戶  
落雁疑人更繞塘  
他日若修耆舊傳  
為予添取此書堂

湘中送友人

李 頻

中流欲暮見湘煙  
葦岸無窮接楚天  
去雁遠衝雲夢雪  
離人獨上洞庭船  
風波盡日依山轉  
星漢通宵向水連  
零落梅花過殘臘  
故園歸去及新年

黃陵廟

李羣玉

小孤洲北浦雲邊  
二女啼粧共儼然  
野廟向江春寂寂

古碑無字草芊芊東風日暮吹香芷落日山深哭杜鵑  
猶似含顰望巡狩九疑如黛隔湘川

重經巴丘追感開成初陪故員外從翁詩酒遊泛

作

李羣玉

昔年高接李膺歡日泛仙舟醉碧瀾詩句亂隨青草發  
酒腸俱逐洞庭寬浮生聚散雲相似往事微茫夢一般  
今日片帆城下過秋風回首淚闌干

湘陰江亭寄友人

李羣玉

湘岸初晴淑景遲，風光正是客愁時。  
幽花暮落騷人水，芳草春深帝子祠。  
往事隔年如過夢，舊遊回首謾勞思。  
煙波自此扁舟去，酌酒聯文杳未期。

洞庭言懷

譚用之

江上陰雲鎖夢魂，江邊深夜舞劉琨。  
秋風萬里芙蓉國，暮雨千家薜荔村。  
鄉思不堪悲橘柚，旅途誰肯念王孫。  
漁人相見不相問，長笛一聲歸島門。

萼綠華將歸九疑，畱別許真人

曹唐

九點秋煙黛色空綠華歸思頗無窮每悲馭鶴身難住  
長恨臨霞語未終河影暗吹雲夢月花聲閒落洞庭風  
藍絲重勒金條脫畱與人間許侍中

長安春舍叙邵陵舊宴懷永門蕭使君

曹唐

木魚金鑰鎖重城夜上紅樓縱酒情竹箭水繁更漏促  
桐花風軟管絃清百分散打銀船溢十指寬催玉筋輕  
星斗漸稀賓客散碧雲猶戀豔歌聲

又

三年身逐楚諸侯  
賓榻容居最上頭  
飽聽笙歌陪夜飲  
熟尋雲水縱閒遊  
朱門鎖閉煙霞暮  
鈴閣清泠水木秋  
月滿前山圓不動  
更邀詩客上高樓

又

粉雉丹軒畫障西  
水雲紅樹宰璇題  
鷓鴣欲絕歌聲定  
鷓鴣初驚舞袖齊  
坐對玉山誰繪綵  
細聽金石怕低迷  
東風夜月三年飲  
不省歸時不似泥

自嶺下泛鷁到青遠峽

胡曾

乘船浮鷁下韶川絕境方知到嶺南  
蘿薜雨餘山似黛蒹葭煙盡島如藍  
且游蕭帝新松寺夜宿嫦娥舊桂潭  
不為篋中書未報便來此地結茅菴

宿荊州江陵驛

羅隱

西遊象闕愧知音東下荆溪稱越吟  
風動芰荷香四散月高樓閣影相侵  
閒欵別枕千般夢醉送征帆萬里心  
薜荔衣裳木蘭檝異時煙雨好追尋

湘中見進士喬詡

羅隱

吳王臺下別經秋，破魯城邊暫駐留。  
一笑有時堪解夢，數年無處不同遊。  
雲牽楚思橫魚艇，柳送鄉心入酒樓。  
且酌松醪依舊醉，誰能相見向春愁。

嶽麓寺

羅隱

蟾宮虎穴兩皆休，來凭危欄送遠愁。  
多事林鶯還漫語，薄情邊雁不回頭。  
春融疑是乾坤醉，水濶應知世界浮。  
欲共高僧話心迹，野花荒草奈相尤。



送李秀才歸湘中

曾齊已

詞客攜文訪病夫，因吟送別憶湘湖。  
寒消浦澈催鴻雁，暖入溪山叫鷓鴣。  
僧向月中尋嶽麓，雲從城上去蒼梧。  
君歸為問峯前寺，舊住松房鎖在無。

和友人憶洞庭舊居

劉滄

客舍經時益苦吟，洞庭猶憶在前林。  
青山殘月有歸夢，碧落片雲生遠心。  
溪路煙開江月出，草堂門掩海濤深。  
因君話舊起愁思，隔水數聲何處砧。

春晚岳陽樓言懷

崔魯

煙花零落過清明異國光陰老客情雲夢夕陽愁裏色  
洞庭春浪坐來聲天涯一與舊山別江上幾看芳草生  
獨倚闌干意難寫暮笳嗚咽到孤城

赤壁山

崔塗

漢室山河鼎勢分勤王誰肯顧元勳不知征伐由天子  
惟許英雄共使君江上戰餘陵是谷渡頭春在草連雲  
分明勝敗無尋處空聽漁歌到夕曛

西塞山迴舟作

陶峴

匡廬舊業是誰主  
吳越新居安此生  
白髮數莖歸未得  
青山一望計還成  
鴉翻楓葉夕陽動  
鷺立蘆花秋水明  
從此捨舟何所詣  
酒旗歌扇正相迎

宋

三遊洞

趙抃

峽江初過三遊洞  
天氣清調二月風  
樵戶人家隨處見  
仙源雲路有時通  
峯巒壓岸東西碧  
桃李臨波上下紅

險磧惡灘知幾許  
晚來停棹問漁翁

下牢津

趙抃

拖舟百丈苦攀躋  
一過牢津恍似迷  
花放亂紅迎彩旆  
谷傳深響答鳴鑿  
避人幽鳥凌雲噪  
抱子驚猿走險啼  
春岫重重春水綠  
却疑春在武陵溪

春曉書事

寇準

春盡江天景寂寥  
思鄉還共楚雲遙  
林花經雨香猶在  
隄柳無風絮自飄  
水國獨慚臨縣邑  
煙郊爭合負漁樵

青梅時節遲歸計且逐餘芳殢酒瓢

香林別趙侍御闋道

周敦頤

公暇頻陪塵外遊朝天仍得送行舟  
軒車更共入山脚旌旆且從畱  
渡頭精舍泉聲清瀼瀼高林雲色淡  
悠悠談終道奧愁言去明日瞻思上  
郡樓

宿南臺寺

張栻

香閣珠林倚半天兩人相對嶽峯眠  
羌林秉燭翻疑夢緱嶺乘鸞似學仙  
雲伴瘦筇過絕壁風傳清嘯隔蒼烟

攸江亦有山陰興莫使虛廻半夜船

雨後同周允昇登雪觀

張栻

一雨端能解百憂肩輿徑上最高樓山容淨洗無窮碧  
江水新添自在流已覺春深花片老不應山似賈胡留  
烟蓑風笠南山下正好歸與看麥秋

清風峽

張栻

扶疎古木蟲危梯開始於今幾攝提還有石橋容客坐  
仰看蘭若與雲齊風生陰壑方鳴籟日烈塵寰正望霓

從此上山君努力瘦藤今日得同攜

和石通判酌白鶴亭

張栻

談天終日口瀾翻來乞清甘醒舌根滿座松聲聞節奏  
微瀾鶴影漾瑤琨淡中知味誰三噉妙處相期豈一樽  
有本自應來不竭濫觴端可驗龍門

桂陽勸農

陳傅良

雨耨風耕病汝多誰將一一手摩挲幸因奉令來循壠  
恨不分勞去荷蓑涼德未知年熟否微官其奈月春何

殷勤父老曾無補待放腰鎌與醉歌

邵陵道中

釋覺範

邵陵山水麗風光游徧歸來夜話長  
秋翠等閒開雉堞驚湍哀怨韻笙簧  
隨鞍此景憑書寫他日塵紛一笑忘  
上閣與誰同小立墜金拄笏說三湘

題清富堂

釋覺範

此堂冠絕湘西勝枯木名多道不窮  
用谷量雲當衣鉢以江盛月展家風  
買山歸隱真寒乞借竹為軒落笑中



綠錦漲連青玉浦  
剪裁磨作費詩工

元

邵陵青龍橋

鞠志元

百尺青龍跨碧湍  
鐵犀光映玉闌干  
馬蹄踏月三湘曉  
人影沉波六月寒  
城古不知遼鶴遠  
潭深惟有老龍蟠  
歸期若問巴陵道  
驛路梅花帶雪看

和楊參政

楊維楨

皇元正朔承千祀  
天下車書共一家  
一柱東南擎白日

五城西北護丹霞寶刀雷煥蒼精杰天馬郭家獅子花  
收拾全吳還聖主將軍須用李輕車

過楊忠愍公完者軍府畱題

張昱

總是田家門下客誰於軍府若為情  
林花滿樹鶯都撇  
雨水平原草自生  
街上相逢驚故吏  
馬前迎拜泣殘兵  
能言樓上題詩處  
猶有將軍舊姓名

樊口隱居為李均玉作

丁鶴年

萬里雲霄斂翼回  
掛冠高卧大江隈  
春深門巷先生柳

雪後園林處士梅翠擁樊山  
邀杖履綠浮漢水映尊罍  
誰能領取坡仙鶴月下吹簫共往來

明

辰陽端午遣懷

薛瑄

五溪五月當五日時俗猶存舊楚風  
角黍堆盤人送玉  
龍舟疊鼓水搖空入簾山色隔江翠  
照眼榴花向日紅  
賜扇遠懷鷓鴣侶去年同謁大明宮

遊桃源洞

馬文升

桃源溪接武陵溪，咫尺仙家路欲迷。  
翠柏凌霄山鳥下，碧雲棲樹野猿啼。  
爛船洲上江風細，白馬山頭水月低。  
指點秦人舊蹤跡，蕭蕭方竹斷橋西。

桃源

林俊

百里人家斷復連，煙嵐一簇俯晴川。  
江干漁父坐來見，洞口桃花望裏妍。  
鬪雨泉聲雙檻外，凌秋松色夕陽邊。  
藥爐丹竈今如許，可得重論晉魏年。

岳陽樓中聞笛

何景明

何處笛聲三四弄坐聽疑隔楚江濱  
落梅折柳怨清夜  
激羽流商哀白雲月上山樓人獨倚  
風高秋院客先聞  
洞庭空濶瀟湘冷縹緲餘音送雁羣

桃源

何景明

桃川道士來相送指點仙蹤玉觀西  
雲鎖洞門何處覓  
花開溪路幾人迷石橋自發新秋草  
丹竈長封舊日泥  
落日山中不勝思松陰竹色冷淒淒

岳陽樓

何景明

楚水滇池萬里遊使車重喜過巴邱  
千家樹色浮山郭  
七月濤聲入郡樓  
寺裏池亭多舊主  
城中冠蓋半同遊  
明朝又下章華路  
江月湖煙縮別愁

湘江懷古

羅洪先

秋風江上易生悲  
寂寞寒流去欲遲  
漢室幾人憂賈傅  
楚狂今日弔湘纍  
長沙地近家誰識  
漁父歌殘舟自移  
總為天涯多往事  
至今斑竹尚低垂

洞庭春興

羅洪先

帝里朝辭供奉班  
客程宵濟洞庭灣  
湘君鼓瑟清泠外  
鮫女鳴機縹緲間  
青草波光連夢澤  
蒼梧雲物隔疑山  
故園亦有岷江水  
垂老生涯釣艇閒

蘄州江中怪石

李東陽

萃兀山城抱此州  
江間怪石擁戈矛  
隨波草樹愁生隙  
駭浪蛟龍却避流  
豈有宕堯能砥柱  
祇多衝突向行舟  
憑誰一試君山手  
月落江平萬里秋

和秦武昌赤壁懷古

李東陽

楚雲荆樹擁嵯峨一棹曾衝萬里波時代不同嗟我晚  
江山如此奈人何地從割據終全盛天遣文章為不磨  
間說宦遊兼弔古鶴樓東下水聲多

登岳陽新樓

李東陽

突兀高樓正倚城洞庭春水坐來生三江到海風濤壯  
萬水浮空島嶼輕吳楚乾坤天下句江湖廊廟古人情  
中流或有蛟龍窟卧聽君山笛裏聲

遊嶽麓寺

李東陽



危峯高瞰楚江干，路在羊腸第幾盤。  
萬樹松杉雙徑合，四山風雨一僧寒。  
平沙淺草連天在，落日孤城隔水看。  
薊北湘南俱在眼，鷓鴣聲裏獨憑欄。

與錢太守諸公遊嶽麓寺席上作 李東陽

衡嶽地蟠三百里，羣峯將斷復崔嵬。  
崑間古刹依山轉，谷口晴雲滿樹來。  
北海書存誰問價，少陵詩罷獨憐才。  
扁舟已謝長江險，又是匆匆一度回。

江上奕棋與謝寶慶

李東陽

江上陳兵二壘同都將一笑定雌雄  
烏林得計周郎便  
淝水乘橋謝傳功  
蕉底夢回風雨散  
橘中人老歲年空  
一枰欲盡斜陽色  
獨立青山在眼中

流河驛懷謝寶慶先生兼懷鳴治侍講  
李東陽

林下清風迴絕塵  
天涯舊路獨傷神  
長船載酒官河夜  
芳草懷人楚水春  
應學杜陵尋北郭  
兼逢小阮作南隣  
嗟予忝出皇華使  
猶向河邊咏伐輪

漢江

李夢陽

漢江江上鷓鴣鳴  
漢江遊客無限情  
青山日落一帆影  
芳草月明聞棹聲  
黃鶴磯頭暮雲盡  
鸚鵡洲邊春水生  
莫倚仲宣能作賦  
洞庭南接桂陽城

楚望望襄中形勢

李夢陽

楚望峯頭望楚雲  
遙憐紫蓋紫陽君  
廬荒不斷盤龍氣  
碑滅猶存墮淚文  
地轉江淮浮遠戍  
水同巴峽暫雄軍  
里名冠蓋非吾事  
願訪鹿門麋鹿羣

黃鶴樓

楊慎

江上危樓海內名，登臨不盡古今情。  
風前估客蒲帆影，夜半仙人玉篴聲。  
春水雪消巴子國，烟波晴接漢陽城。  
東南暇日多佳會，笑指浮雲望太清。

六亭春色

謝省

嶺上曾經架六亭，至今人說舊時名。  
陽回地暎花先發，林近人遊鳥不驚。  
鶯語巧隨絃管細，蝶飛忙逐柳花輕。  
時清挽得春長在，處處謳歌樂太平。

送耒陽謝御史

羅倫

曾見湖西柱史歌長歌三日過雲和雷霆白晝果在地  
牛女清秋無渡河淮西草木色不改衡陽花柳春何多  
幾時攜取陳夫子

白沙先生

淡月踈星醉碧蘿

穀日登鄖城北樓時四山雪霽因題曰春雪樓

王世貞

鄖城東北似齊宮四塞煙巒望望同忽結樓臺銀海上  
盡收天地玉壺中縱他柳絮能千點笑殺梅花僅幾叢  
撫罷朱絃君自聽那能不讓郢人工

題張學士仰宸樓藏賜書

唐順之

瀛洲別館切清虛詔賜綈緗出石渠祕典自驚墳索上  
祥光遙映壁奎餘簷前鳥下疑翻字草際螢來為照書  
借問鄴侯三萬卷何如今日沐恩殊

題張學士陽峯卷

唐順之

陽山秀色滿南州薜荔叢生楚客遊三峽猿聲偏入夜  
千巖楓葉早知秋仙人結宅雲煙近太史藏書洞壑幽  
便欲焚魚應未得共言明主待謨謀

沔陽報恩寺

李濂

珠閣晴雲迴抱城上方  
鐘磬曉來清風塵荆北  
仍王粲流滯湘南又賈生  
遠浦漁歌催暝色空江木葉送潮聲  
逢迎幸不妨詩律潦倒聊堪適宦情

舟泊漢江望黃鶴樓

張居正

楓霜蘆雪淨江烟錦石遊鱗靜  
可憐賈客帆檣雲裏見  
仙人樓閣鏡中懸九秋槎影橫清漢  
一遂梅花落遠天  
無限滄洲漁父意夜深高詠獨鳴舷

登衡岳

沈愷

偶來九月風日晴千峯萬峯朝太清  
凌空渺渺自殊態入耳泠泠非世情  
盤屈松檜不知歲參差巖壑俱有名  
吾將於此巢雲窟采真白日要長生

柏子園青雲閣

楊漣

官閣凌空汶水深金飈初動客登臨  
浮雲易改三山色落葉先驚萬里心  
江上美人貽雜佩城南少婦試清砧  
繁臺兔苑今禾黍日暮凭闌思不禁



碧霞臺送楊掌院漣赴司敗

甘 籌

破帽青衫賦北征一天風雨暗山城得全忠孝原無死  
漫比龍逢浪擲生唐相笑談藏利器漢家黨錮坐虛名  
傷心不為孤臣別念到同文泣五更

遊衡山

蔡汝楠

為航名嶽赴炎荒更問禪宗歷上方祇為新秋餘伏暑  
不知初地倏清涼南巖久廢傳燈室諸寺空開說法堂  
但對寒山證空寂何勞半偈使心降

送訓導凌震任黔陽

文徵明

短棹沅湘路不迷黔陽更在武陵西平生志業輕千里  
晚歲文章到五溪荏苒雪泥鴻雁跡陰深雲水鷓鴣啼  
莫言游宦傷行役剩有江山入品題

北上次赤壁別兒

吳國倫

北風何意攬征裘無奈浮生寄遠遊江湧亂雲蒸赤壁  
客乘踈雨過黃州尊前涕淚三湘暮別後音書九塞秋  
我向燕臺望鄉國飛鴻落木使人愁

除夕

薛綱

暫停使節宿龍標萬事傷心酒一瓢最苦異鄉為異客  
可憐今歲盡今宵官因老至風斯下鬢遇春來雪不消  
細向燈前算殘齒一周花甲是明朝

三晤寺

周澄

習氣殊非少小時江花江草亂題詩塵埃已破三春夢  
風雨仍煩一釣絲但許我來閒徙倚也由人笑太迷癡  
山僧會說因緣話未必山僧盡得知

玄真觀暮秋晚眺

蔡潮

千里平湖見此樓孤帆暫為夕陽留  
未登高壘雲連野鷺下晴空雪點洲  
羽客候門疑好事萍蹤隨寓記曾遊  
羈懷觸物能生感落葉歸鴻一片秋

題天臺別意圖贈李士龍

耿定向

層巖萃律與雲平一望關門紫氣橫  
地圻東西分汝漢天連南北見嵩衡  
丹丘幾度虛遊子白髮孤征念友生  
此去秣陵江萬里臨流應憶濯長纓

道士狀

袁向

羣峯盡處障江湄峭壁峻增辟荔垂樹裏青煙微露寺  
岸邊豐草半藏碑千尋石洞飛雲迴百室村墟夕照遲  
湍悍生憎磯下水去帆臨浪故逶迤

桃源

崔桐

仙扉雙掩石嵯峨沙逕逶迤有客過虎穴霾雲深玉樹  
鵲橋懸影倒銀河絕憐白晝生雷雨不倦青山捫薜蘿  
當日沉淪何處所幾回皓首嘆蹉跎

遊雙清亭

楊廷芳

幽亭高聳鎮丹崖  
崖下悠悠二水來  
兩岸山光搖劍戟  
一潭波影浸樓臺  
望窮青草湖邊景  
隔斷黃茅嶺外埃  
乘興幾回登絕頂  
恍疑身已在蓬萊

合江亭

劉堯誨

隔水林暉送晚愁  
半空蕭瑟入江樓  
寒煙樹色千帆度  
落照城陰二水浮  
檻外青山皆北向  
尊前日月看西流  
苔磯自適江湖遠  
猶有風塵接素秋

秋日登魏夫人黃庭觀

伍讓

與客尋真到翠微  
山花寂歷映秋衣  
石壇舊隱丹爐在  
仙子凌空白日飛  
古殿半欹荒草路  
寒雲獨掩薜蘿扉  
玄都自有逍遙境  
華表千年鶴未歸

茅坪寺

伍讓

女蘿叢桂隱溪光  
蘭若精深與世忘  
後老僧談往事  
夢回山叟煮黃梁  
餓猿乘月窺香積  
野鹿聽經下竹廊  
此地廢興曾幾度  
古碑橫砌草蒼蒼

湖山寺迎春

歐大生

盈盈歸信聽江梅為識湖山一面來  
客到鐘聲昨夜夢  
花含林影隔年胎  
分陰漸惜千金價  
初地新飛億劫灰  
白雪幾人餘古調  
青陽此日報香臺

宜都一覽樓

韓守益

層臺飛構壯宜都  
雲影天光入畫圖  
千里鶯花連隴蜀  
一江風月接荆吳  
烟霏山色時濃淡  
雨雜灘聲自有無  
幾度憑欄倍惆悵  
白雲飛去寸心孤



送友人還永州

曹學佺

看山興盡馬蹄忙，賸有煙霞滿客囊。  
瀟水入湘終古碧，零陵生草至今香。  
月明不度孤峯雁，菊信還遲十月霜。  
嘆息愚丘人已逝，空餘欵乃過滄浪。

九疑秋懷

次第平生汗漫遊，無如茲地對高秋。  
直凌山迴瀟湘上，一覽天南楚粵收。  
黃菊正宜彭澤令，清風如在武昌樓。  
無端叢桂能招我，我已腰肢付督郵。

夏日同客集崇興禪閣

張文耀

郭外招提此最幽，清虛那羨玉壺遊。  
何人到處憑雙屐，似我同君自一流。  
花落石壇晴亦雨，風生珠閣夏疑秋。  
平原舊侶歡相聚，莫厭清樽十日留。

傅陵九郡伯入覲單騎歸省秋復還鄂攜家抵湖

南觀察任

譚元春

燕霜蜀霧歷將周，始見高牙復永州。  
路為君親行萬里，署封兒女到三秋。  
浯溪頌好雲邊石，鈇鋌潭深郭外丘。

頗有文如元與柳前賢  
謫處是佳遊

同宋明麓諸公登雙清亭

車大任

白蘋涼露楚江東  
對水看山中  
鳥同雙棹正逢溪水合  
百錢何惜杖頭空  
秋生花樹歲  
蕤後人在樓臺紫氣中  
明日路岐南北異  
不知何處聽征鴻

巴陵即事

王啓茂

樓頭日夜聽潺湲  
邑在煙波翠壑間  
堪入畫圖湖上市  
不闕塵世水中山  
江畱禹蹟沙沉檝  
地接湘祠竹染斑

金史卷八十八  
試過城南問松鶴仙人何處御風還

謁張文忠公祠

王啓茂

袍笏依然故宅殘  
入門人自肅衣冠  
半生憂國眉猶鎖  
一詔旌忠骨已寒  
恩怨盡時方論定  
邊疆危日見才難  
眼前國是公知否  
拜起還宜拭目看

登雙清亭

錢邦芭

高攬雙清俯十洲  
霜空松老鶴呼儔  
潭煙新卧蛟龍宅  
天鏡晴開李郭舟  
六嶺回旋隨地轉  
兩江分合挹城流

桃源溪共尋仙路不向漁郎問舊遊

中山寺

錢邦芭

陟降紆回到上方人天花雨繞經堂  
千竿竹翠侵衣碧十里松陰入袂涼  
飛瀑過牆僧浴鉢紫芝當檻鶴休糧  
此中一日堪忘世况復秋深曉夢長

湘上感懷

蔡道憲

霜林亦當好花開風竹離披靜可栽  
碧玉愁多難著酒臙脂染誤不妝梅  
山中尚有眠初起歲暮更容春薄來

欲剪湘東波一片故園雪後印莓苔

尹尊子讀書衡嶽詩以荅之

蔡道憲

嶽雲未隔幾重山君渡湘江費往還  
識面何須心便苦多情自悔夢難刪  
千家雨後花猶濕一片霜中石已頑  
為我躊躇峯頂望薜蘿有路總應攀

春日過枝江有感

王泮

漠漠春雲黯四垂那堪愁思正離披  
千家有室皆懸磬百里稀烟半絕炊  
白雪臺荒萋萋草黃陵花落掩空祠

關心民瘼慚無補肉食何人是濟時

枝江紫山懷古

趙貞吉

赤甲清江天半垂紫山黃葉正離披高鴻已託長風翼  
下澤誰聽短笛吹地接山迴秦避路雲頽天迴漢留祠  
周郎陸弟名空在細雨荒臺獵罷時

九日集雄楚樓懷舊

宋登

沱水燕關憶壯遊短衣孤劍老荊州天涯縱酒逢青眼  
馬上看楓掉白頭日暮饑烏還遶樹烟寒古堞自深秋

江空鴻雁無消息千里相思月滿樓

吉祥寺

王越

石城門外好風光小憩禪林酒一觴  
天地有情容我老江山無語笑人忙  
草舍南浦詩中意梅帶西湖畫裏香  
撫景欲吟吟不得晚雲拖雨送斜陽

大隄

王越

哀柳斜陽古大隄秋風禾黍習家池  
小兒不唱欄街曲過客還尋墮淚碑  
左傳註成元凱癖唐音選盡浩然詩



興亡多少傷心事只有襄山漢水知

黃鶴樓

郭正域

樓閣重重上女牆昔人曾此醉為鄉烟橫巫峽千山遠  
雨過瀟湘一水長依舊空中雲盡白不聞市上鶴曾黃  
從教玉笛頻吹徹只恐神仙亦渺茫

將北上游晴川閣有懷

蕭良有

晴川高閣枕江流春日重來閣更幽萬頃波濤簾外度  
千帆烟雨坐中收白雲極目誰騎鶴芳草關心獨倚樓

却憶昔年詞賦侶星光猶在斗邊浮

郢中

李維正

六龍飛處五雲生邸第樓臺矗太清寶鼎三分天作府  
金陵雙峙石為城蠲租詔使尋常下奉酌祠官絡繹行  
聞道翠華南狩日瞻依不盡故鄉情

首春東園雜詠十首

熊廷弼

新歲連朝未到來舊花滿地盡移栽橘欣冬暖滋滋綠  
梅怕春深急急開擁樹不飛雲欲倦掠舟而過鳥初迴

支離身外渾閒事  
交付樽前濁酒盃

其二

東城細雨過園廬  
高閣微風引珮琚  
滿院花香侵几潤  
隔簾樹色入窻虛  
春禽初語僧持偈  
宵鶴欲鳴人讀書  
吾黨自饒真樂處  
當年寧悔賦歸與

其三

為築塘堤接岸游  
舊穿渠道匝園流  
斷橋橫板林間出  
古堞過雲水底浮  
不自意無塵到眼  
如相期有月來樓

玉壺春酒須多掣  
谷鳥崖花莫漫愁

其四

春寒病肺怯登臺  
溪午酣吟坐曲隈  
避客却愁無客到  
喜書偏畏有書來  
游鱗渾忘濠梁樂  
狎羽空勞鷹隼猜  
自是逐臣圖苟活  
敢云明主棄非才

其五

連夕屯雲接地陰  
一亭霏雨對愁深  
且攜絃酒招同侶  
共話桑麻悅素心  
濡鳥欲飛猶怯濕  
蟄蟲初語未成音

烟霾滿面難開眼  
牛馬從人只學瘖

其六

苦雨傷春興欲闌  
尋春帶雨強為歡  
惜將流水隣西去  
恨不移山屋裏觀  
泥重倩人頻櫛屐  
橋危過我屢扶竿  
為憐光景難閒坐  
更待清明倚醉看

其七

東風吹浪綠初浮  
高樹留雲濕不收  
寒萼欲開還半閉  
露芽纔出未全抽  
蒼雞伏子巢陰篠  
白鷺看魚下夕洲

即事但能成小趣適情何必更多求

其八

正嫌泥濕種花遲忽喜晴乾趁早移  
桃柳依行交密蔭  
海棠取次弄清漪且除亂草開三徑  
更植幽花別四時  
園客慙慙母落事主人裝點欲題詩

其九

人共愁霖倍寂寥我猶索處更逍遙  
絕無來往人稀到  
小有逢迎鶴見招魚喜水新爭上躍  
鳥欺枝軟故低搖

息心聊作青松侶  
塞耳那聞小麥謠

其十

壯景空從間裏過  
奇懷况復病中多  
欲還青鬢求丹藥  
且駐紅顏酌白醪  
深樹午鐘披梵偈  
前溪晚柁唱漁歌  
勞勞贏得身餘幾  
冉冉將如老至何

春日過枝江

雷思霈

楚宮舊是丹陽地  
春草低迷春雨饒  
沙岸微微穿荻笋  
釣舟隱隱繫楊條  
山分吳峽千峯繞  
江合沮漳二水潮

九十九洲從此始欲同高士寄漁樵

宿天臺頂

王章

縹緲高臺起暮秋壯心無奈忽同遊  
水從霄漢分荆楚山畫中原見豫州  
明月三更誰共醉朔風初動不堪留  
朝來雲雨千峯閉恍惚仙人在上頭

過峴山懷長安故人

李宗魯

當年伏劍漫相期誰是延津會合時  
桃李孤根春去早漢湘萬里雁來遲  
思君每下陵陽淚對客休題出塞詞



倚遍習家池上月浮雲翳盡昔人碑

寇公祠

王在晉

渭水巴江繫宦情濟川舟楫見才名鹿鳴預識人將至  
竹死能令葉再萌日輦北征憑壯氣蠻烟南竄老餘生  
重來試問崖山客為羨雷州道路平

晴川閣野眺

傅淑訓

江上風煙望武昌臨江高閣曉蒼蒼濤聲八月蛟龍吼  
霸氣千秋草樹荒幾點青山浮大別一聲殘笛弄滄浪

自經崔顥題詩後別是人間翰墨場

題馮慕岡報德祠

石崑玉

煙塵黷黷暗長沙誰作卿雲捧日華  
借劍天關驚虎豹燃犀鄂渚走龍蛇  
九重春到三家市五兩風輕百賈艖  
多少瘡痍魂未定歸來長護野棠花

登晴川閣晚歸

潘之恒

攀林一為采臯蘭落日微茫見水端  
小艇放歌歸浦急危樓飛影入江寒  
山當石闕中流斷市接溪頭古樹攢

更欲浮湘悲遠涉滄波何地著漁竿

鸚鵡洲弔禰衡

汪時元

黃鵠磯頭日夜聲似傷鸚鵡賦初成於今明月懸江上  
何處芳洲問禰衡古水一川秋色盡寒濤千載夕烟生  
臨觴忽有悲風起激楚陽阿氣未平

荆門野望

錢希言

滔滔江漢引微茫川路西來蜀道長象齒舊通周貢賦  
蠶叢新服漢衣裳雨消青草湖頭瘴葉落黃陵廟裏霜

十二碧峯看不見空令神女怨高唐

黃牛峽贈別

王應熊

峽裏東風送我西桃花潭上踏歌時黃牛應不須朝暮  
青鬢能堪幾別離月色故人千里共猿啼驛路寸心知  
峨嵋汶嶺吾家約藜杖雖遲踐所期

荆泉洞

王鼎彥

翠壁丹崖鳥道通飛梁竒似玉玲瓏祠官歲請潭龍雨  
山叟時占石燕風何代仙人棋跡古前朝遊客字痕蒙

分明指點尋源路流水桃花向此中

德山

楊 禴

家近滄江復面山青螺斜枕綠楊灣斷崖瀑挂虹千尺  
絕頂僧分雲半間鳥逐風斜迂閣度猿窺果熟隔枝攀  
梵鐘縱報諸天暝漁笛徐吹釣月還

祝融峯

陳宗契

拔地芙蓉月下看蕭森落木萬峯寒幽巖煮石和雲咽  
絕澗鳴泉帶雪彈夜榻只緣搔背好秋風非為折腰難

生來不具平章骨半夜何心問嬾殘

登回雁峯懷揚州

陳宗契

青天七十二芙蓉迴雁南來第一峯雲破月生湘浦棹  
鷺歸雪點寺門松峯前共羨人騎鶴斗下誰看劍化龍  
愁絕梅花千萬樹相思共聽隔江鐘

新聞北督學之命寄祝融君

陳宗契

護法虛疑是宰官佳山新著竹皮冠難棲不署囊中草  
蝶化誰稱夢裏蘭一卷經殘僧下榻數聲鐘罷客憑闌

步蟾便踏芙蓉頂  
半夜無人獨自看

皇清

晴川閣成志喜

吳正治

凌江峻閣鬱從龍  
百尺孤撐造化工  
樹欲志年還歷  
落洲餘芳草  
漫溟濛合流倒注澄  
清日萬里全收指  
顧中此日同風偕  
勝賞不須分別賦  
雌雄

其二

天空木葉洞庭秋  
倚檻重尋面面幽  
城郭自來多感

慨江山猶可慰風流  
窺人好月驚初下  
對酒層峯莽  
欲浮夾岸帆  
檣歸去晚  
何妨老子醉芳洲

深柳堂感賦

堂在道署西偏

葉映楸

雲葉煙條映綺櫳  
辛夷花落訟堂空  
曝餘古畫蒸霽  
白掃破蒼苔  
漬水紅穀賤  
偏無千日酒  
雨多只望五  
更風已為俗吏休  
嫌俗間課陰晴  
祝歲豐

其二

歲蕤魚鑰鎖重扉  
樓上晴光靄翠微  
但見印硃汚毳



服有誰刀尺剪春衣潛身敢羨蜘蛛隱中飽頻愁鼠  
雀肥那得癡兒公事了手持官板送斜暉

其三

雀尾香爐手自熏蠅頭箋牒香難分丁年蕭颯驚青  
鬚子舍迢迢望白雲花事一春忙處過江聲萬里枕  
邊閒懸魚已久嫌腥食野鶴空羈鸞鳳羣

其四

閒看潭影繞前墀鼓角沉沉白日遲吳地冰鮮應出

水楚山簫笳軟垂枝故園客到偶行酒殘夢覺來猶  
咏詩莫訝逢人多白眼此心原不合時宜

奉和張大中丞酬丁廉使中秋前三日原韻二首

葉映榴

楚天兵後闕文明鎖院更殘正曉晴自笑當關如趙

卒

當關即關吏也時司  
大門執贖呼名故云

幾忘摸索在秦京

壬子余主  
試關中

呼名目送羣英入聞折心隨百感生同是昔人辛苦

地好從雲路問鵬程

院由大門折而西  
進有坊曰雲路

其二

狂瀾既倒待東迴時望因歸肅政臺

唐改御史臺為肅政臺今指中

丞公也

親向穀中傳射法

中丞公作程文九篇

相將爨下惜琴材

今年貼卷甚寬見擯者少

紫雲一曲吹霄漢

明皇遊廣寒宮有紫雲曲

金粟千

枝出草萊試上層樓看夜色五星今已聚三台

奉和張大中丞中秋夜闈中聽雨二首

葉映搖

悵望良宵興漸闌風簷疎雨隔牕寒催詩幾片雲初

合燒燭三條月一般

唐制舉人試日既暮許燒燭三條故權德輿戲之曰三條燭盡

燒殘士子之心恐濕霓裳應罷舞若登天柱許同看唐趙知微有道

街咸通庚申中秋苦雨知微忽命道童曰可備酒果登天柱峯玩月及至月明如晝飲罷還舍風雨依然

楚江只有魚龍樂添得秋濤海樣寬

其二

雨過蕭然四壁秋桂輪藏處碧雲浮南朝金粉天波

洗北渚煙嵐帝子愁僚佐共依王令幕歡譚何必庾

公樓慚余不與東堂宴宋王文恭與歐陽文忠同知貢舉詩十五年前門下客最

榮今日與東堂自顧原非管樂儔

紀異

葉映榴

珊瑚搜珠集瑣闈紅雲先映省中薇爭傳太乙然藜

杖共訝榮光紫玉扉

南齊永明初竟陵王子良較試諸學士天忽黃色照地衆莫能解法

曹王融上金天頌徐摛曰此非金天所謂榮光也世祖大悅

荆楚自來誇下壁歐陽

每坐見朱衣只今一望函關紫莫問星輝與月輝

追挽吳忠烈

梁清標

甘陵舊事豈堪論一疏飛霜叫帝閣碎首殿階留碧  
血傷心旅櫬泣青門漢庭再啟膺滂禍湘水誰招屈

賈魂剩有遺編傳孝子五侯當日幾人存

雨遊洪山寺

汪煉南

招提爰業勢疑浮鸚鵡洲環黃鶴樓風雨鈴鐘聞下  
界朝宗江漢看東流雀離恍惚禱千尺龍護煩勞網  
幾秋深院松花雲外侶芒鞋何日看同遊

章臺古梅

胡在恪

又見新花發古梅杖藜也自上章臺年年物色從春  
換日日衰顏趁我來鶴澤入烟江萬里楚王宮闕酒

三盃貧家入市原稀少搜盡空囊買藥回

憾這關

王岱

萬疊嶙峋劍戟痕髯公遺恨至今存蠶叢一綫幾無  
路天闕雙懸恰有門漢祚未移終繫蜀壽亭雖拜豈  
懷恩當年鼎峙灰飛盡獨有千秋俎豆尊

重登黃鶴樓

楊大鯤

樓前風物亦何常湧月臺連太白堂自古神仙多嗜  
酒幾人登眺不還鄉橘衣誰見蹉蹉舞棗實何時纂

纂香閱盡孫劉無限事不如對景一飛觴

登洪山寺

劉朝英

手板朝朝興未窮秋來躡屐到龍宮  
金銀氣色寒郊外樓閣參差暮靄中  
塢勢欲飛初罷磬禪心方定一  
聞鐘誰言世出蓮花國却是城頭姑射峯

舟次道士狀

胡年穎

三江萬里帶瀟湘今古騰游西塞旁  
鴻鵠羽毛雲作伴鼉鼉窟宅水為鄉  
孤舟芳草臨春暮曲磴黃冠上



夕陽憑弔千秋何處是散花當日一周郎

觀雙清亭

周士儀

好是楓溪水一區蒼山拳石片雲孤波迎艇子千鈹  
破客到亭心萬慮無淡借輕烟籠佛閣濃拖新翠染  
平蕪晴江滿目徵詩語乞與南宮作幃圖

登回雁峯

鄒定周

北去羣巒獨殿行雲鬢烟絡共蒼蒼當峯日落殘宮  
苑隔岸風清舊草堂春雁多傷遊子屐晚烟自淡老

僧裝勝情不為沽錢盡搔首青天句一囊

自辰入朗江舟行

徐則論

撥刺漁船響暗撞奚童鼓舞向飛瀧岸憐維解畱峯  
獨烏喜沙明下浦雙天近太湖迴遠噉秋還幾處在  
寒江秦源漢柱俱無處一抹蒼烟意肯降

崔婆井

賀奇

過饒每怪張虛白巧賺無如崔阿婆賒取武陵溪口  
醉換來河湫酒泉多千年有跡勞碑碣古井無波長

薜蘿若使行吟屈子在獨醒應復不相過

遊朝陽洞

蔣景祁

門啓瀟湘萬木蒼蔭從飛起對朝陽流杯石髓何年  
斲隔枕溪聲盡日涼楚客浩歌同桂樹吳人清嘯憶  
滄浪天南瘴癘全消歇是處桃源歲月長

榴花塔

蕭廣昭

梅山遠對武昌門霜影迷離孝婦村杜宇啼殘千點  
血小桃夢斷一枝魂返香無藥刀環冷落葉辭根塔

路昏鸚鵡奇冤傳鼓史隻雞怨恨亦堪論

登黃鶴樓

夏嘉瑞

天風四射作孤吹甲馬江聲雲陣披鼓角蕭閒新度  
曲樓臺鼎易再留詩白沙窟宅神鼇守赤幟風騷我  
輩支却望楚宮寥落盡倚空長嘯欲何之

暮春攜兒子仕商仕周遊九仙觀二首 彭齡

一徑穿蘿陟洞天高低樓閣瑣寒烟芒鞋竹杖闕春  
事木果園蔬餉斥仙山到合圍青面面石承淙溜響

年年細尋古碣殘文字分付兒曹莫浪箋

其二

洞府神仙荒歲月眼前眺望迥幽奇  
稜稜竹節穿危石裊裊松絲冒曲漪  
樵子不知滄海變道人偏與白雲期  
塵寰去此無多地早覺孤岑動所思

次韻袁爾介喜觀湘洲塔暨書院落成

袁有詩刻石嵌書院

壁間

彭齡

浮圖高峙白蘋洲俯視關河萬里修  
此去波濤還顧

盼到來烟月合淹畱騷壇題詠風流近勝蹟興哀往

事悠鼎建功歸賢守令諸生更慕鳳池頭

形家言塔院興廢有

闕文風

擲甲山懷古

夏熙臣

媯皇不復補天傾空使將軍恨未平蜀北君臣安鼎  
峙荆南門戶仗師貞長江竟灑英雄淚故壘虛傳豎  
子名想到當年悲憤處城頭猶覺陣雲橫

安陸郡齋即事

夏熙臣

驟雨能生四月寒北風聲急撼闌干燕因後到常無  
主花為春歸亦鮮歡那得濁醪消魄礪只圖脩竹報  
平安莫將鏡裏衰顏看不老應難稱此官

山居即事

陳陞謨

陽回萬里到山腰百物欣欣勢似潮細雨不隨朝日  
散東風惟借晚寒消雲煙舊嶺十分勇楊柳新堤一  
味嬌開盡衆花都懶取時從來地望青苗

甲辰返襄留別父母

趙宏恩

代罪心堅脫繡衣  
襄民感舊爾何依  
省親泣血拋官去  
面

聖簪花捧

詔歸骨肉羣黎清漢水  
夢魂多士醉春幃  
勞人五載關情久  
嗚咽江流戀落暉

自蜀赴楚道經襄城

趙宏恩

暮笳一片雜篴篥  
舊跡重尋慨白頭  
犂插秋耕羊祜廟  
紗籠醉句仲宣樓  
徧呼父老爭扶杖  
細認兒童倒



跨牛擁節中流談往事春流香透繡花裘

其二

玉節香飄月碎烟曾於此地掛金鞭花燈春醉胭脂  
辨鐵案紅飛玳瑁箋代罪歸燕穿雪步建牙入楚繡  
雲帆驚看青鬢留霜點記得觀風是少年

其三

指點桑麻訪舊傷錦帆舞浪彩旗忙碑慚墮淚鐫紅  
篆風感啼魂冷白楊十載波頭憐泡影半生驥尾愧

花香行轅鼓角聲聲壯今日襄江第四航

襄郊勸農

趙宏恩

攜樽挈榼快民情江漢風傳士女聲  
兩岸柳陰耘夕照半天花影亂  
春耕鋤拋蔓草兒童醉犂近褰帷父  
老迎此日繡衣歸興緩禾苗一片暮雲橫

隆中題武侯祠

趙宏恩

漢季羣奸探赤符慨吟梁父獨扶孤  
扇搖戰月三分鼎石黯陰雲八陣圖  
泣鬼文成何有魏竇星人去失

吞吳劫灰不冷英雄氣  
襄水忠魂曉夜呼

仲宣登樓一賦膾炙人口  
自予到方城前賢舊址

次第捐建今庚子冬斯樓告成  
登焉半醉朗吟

此賦慨然四望不禁去國懷鄉之感

趙宏恩

仲宣賦在人何處  
獨步城東慨此丘  
故國有家翻寄  
楚霸才無主  
竟依劉山眠  
白雪千峯夢  
江醉紅楓幾  
葉秋今日繡衣重築  
起夕陽回首一登樓

襄人為余鐫忠孝完人碑於墮淚碑側余愧焉仰  
止先賢賦以自勵

趙宏恩

枕戟歸來月夜魂千年戰骨老雲根烽烟已冷危灘  
浪汗馬猶留峭壁痕墓草綠枯金鎖碎血花紅醉玉  
樓溫完人後碣羞前碣一片霜寒墮淚門

軍行朗江

趙宏恩

戰氣衝空白霧收萬帆飛起逆東流蘭橈鐵戟搖銅  
柱蓮幕金鈴響玉鈎一片冷雲穿陣角幾枝老樹插

波頭滿江畫鼓聲聲壯旗影花貂駭浪秋

軍行舟次時將五鼓接黔省請兵檄乃飭諸郡牧

分濟軍需勿擾民也

趙宏恩

檄到披襟雜漏聞星流陣角氣氤氳軍聲夜接飛蓮  
幕民夢秋安冷雁羣赤幟關霞歛楚浪金戈響瀑指  
黔雲羽書香亂紅燈影戰艦衝濤次第分

花園賞苗耀兵苗婦子以葉下紅枝頭綠土草進

趙宏恩

鐵騎羣嘶戰草東暮笳吹老碧雲空崖懸聲醉枝頭  
綠谷窅香凝葉下紅銀髻苗烟低塞月金鈴夜火夢  
秋風槃瓠偷認威霜冷白甲花縈印玉驄

萬苗歸化敬獻靈芝

趙宏恩

掛甲開疆破浪頭羽書先散萬苗愁花貂畫戟金鈴  
夜瘴雨蠻烟鐵騎秋五色舞酣青草寨二絃彈斷白  
雲洲狝狝報

國無他物一朵靈芝入

鳳樓

保靖登舟

趙宏恩

解甲苗疆夜渡河暮鴉收翅夢山坡飛嵐綠雨敲黃  
葉圍雪銀渦卷碧波戰馬回風無血刃繡旗卧月有  
霜鞞萬峯過盡歸來晚一棹斜陽蕩凱歌

恭考魏公暨南軒先生墓祠有述 李 徽

昔考朱子集中魏公暨南軒先生墓當在衡嶽  
而南國所傳載記之實二墓乃在寧鄉寧鄉之

墓去衡嶽數百里不在七十二峯之間故長沙郡志既以墓地屬諸寧鄉矣亦復附存衡嶽之說蓋其慎也辛亥初夏予自寧鄉按行安化取道大瀉之陽拜謁官山墓祠因為賢裔諸生講求遺義則知祠後官山去大瀉纔二十里載在瀉山界中實大瀉南部之秀出也阻雨信宿拈閱大瀉志書乃得先生長橋一律云西風吹短髮復此渡長橋木落波空濶亭孤日影搖徘徊



念今昔俯仰到漁樵應有山中隱憑誰為一招  
又得芙蓉山絕句上頭壁立起千尋下到羣峯  
次第深兀兀籃輿自吟咏白雲流水此時心長  
橋在大瀉道中而芙蓉一山實隸安化安化大  
瀉之人各為建亭紀事載在邑志者尤詳反復  
二詠足見先生往來芙蓉大瀉之間慘澹經營  
已非一日而木落亭孤今昔漁樵等語先生為  
魏公有戒心矣近託瀉山遠宗衡嶽其亦有屈

伸消長龍蛇尺蠖之微權乎感而志之以為知  
人論世之一監云

文獻支離不可尋  
低回岐路訪遺音  
寓形衡嶽情猶壯  
混跡瀉山意已深  
石徑松蘿迷絕巘  
雲峯烟雨滴空林  
得公今昔漁樵句  
想見悠悠百世心

拜謁魏公暨南軒先生墓祠畢因為賢裔諸生講  
求遺義之語復步前韻拈示近邑諸生前晤賢  
裔諸子時憶及朱子集中載有先生惟危之中

識得惟微之體等語並有為無為諸語也

李 徽

先聖遺文尚可尋黃鐘大呂得元音程門主一心如  
揭孔子時中道最深精義工夫通晝夜窮神事業到  
山林人心盡處原無為無為而為即道心

月巖

李 徽

衡陽風景入瀟湘派接濂溪周子鄉戶外羣峯都具  
體巖中一竅自含章東西偃仰知開闔上下迴環得

典常道奧無窮陳法象分明月窟在當陽

謁武當山

凌如煥

漢南荆北鎮神宮拾級捫蘿鳥道通金燭雲霄開殿  
陛封加衡霍秩王公晨朝萬笏峯浮玉冬盡千林翠  
舞風合是上真棲此宅瓣香奔奏八方同

題隆中草廬次韻

凌如煥

百戰塵銷赤帝符乾坤草草一廬孤誰知枕石漱流  
窟幻作雲龍風虎圖漳水銅臺雄鄴下石城金鎖壯

勾吳千秋那復階前拜  
日落空林剩鳥呼

望赤壁

凌如煥

兒時眼熱蘇公賦  
靦面緣慙客顏半  
壁樓臺高日  
月千秋文藻此江山  
簫聲寂歷濤聲散  
雲影依稀鶴  
影還又聽舟行  
鉦鼓發回頭沙渚  
羨鷗閑

舟泊漢口

涂天相

大別山開江漢門  
滔滔終古此潺湲  
萬家烟火愁孤  
客一帶雲山暗  
舊村容與舟隨波  
上下蕭條人共鳥

寒暄牙檣錦纜知多少幾曲高歌萬里騫

過洞庭

涂天相

萬頃煙濤飛渡難輕舟初試意閒閒天垂四面如粘  
樹波湧孤颿欲駕山何必桃源絕塵世始知衡嶽隔  
玄關五湖君長橫南北擊楫乘風破客顏

鶴樓雨望

涂天相

楚天昨夜舞商羊帆落江千萬里忙望斷衡山秋色  
晚襟披漢水客心涼風翻雪浪驚鸚鵡烟鎖晴川隱

鳳凰巾角折來猶載筆重添墨霧洒瀟湘

鶴樓早望

涂天相

鵲噪深林客枕斜晴樓初曙靄餘霞南薰吹落江梅  
冷西爽迎來石鏡華朝露濕雲晴帶雨曉風逐水浪  
翻花黃梁不解人間夢日映千村戶半遮

同彭衡陔康文作舍弟觀川遊南嶽廟

夏立中

嶽殿崔嵬迥出塵祝融雲氣藹長春雕梁伐盡千年

樹驛路朝來萬里人蟾鎖不因遊客啓龜碑端為  
御書新岱宗封禪相沿久岫嶺遺文壓漢秦

其二

赤帝威靈重國家使臣常泛洞庭槎地看楚服南門  
近人望都城北斗斜憑仗友朋尋勝蹟忽驚兄弟滯  
天涯紵衣葵扇權相憩入啜山僧半日茶

祭風臺懷古

徐琮

月明戈甲枕江隈橫槊高吟亦霸才不有卧龍成幹



濟直教烏鵲枉徘徊樓船自火嘲難解石壁生燐蹟  
未灰天與漢家畱一綫東風却似為吳來

春日遊玉版橋偕康文作兄衡陬限韻

彭廷梅

山前麗藻鬪春華山裏風光入望賒水撼危橋疑石  
動人緣峭壁上天斜蜂鬚粉膩沾新竹燕嘴泥香帶  
落花世路物情雲外賞亂紅晴日照丹霞

湖廣通志卷八十八